

文档信息

宋書

049 / 100

21 段 3357 字

158 种 252 个标注

繁体中文

列傳第九

宋書 049 卷四十九

[標] 沈約

史部 / 正史 / 二十四史 / 宋書 / 049 卷四十九 列傳第九

本篇关键词

纪年

義熙二年[406] 2

義熙七年[411] 1

隆安四年[400] 1

元熙元年[419] 1

元興元年[402] 1

元熙二年[420] 1

永初二年[422] 1

地点

成都 4

江陵 3

京城 3

婁縣 3

彭城 3

廣州 2

人物

高祖 29

休之 4

徐道覆 4

義真 3

蒯恩 2

文官

太尉 4

長史 2

鄱陽太守 2

武官

龍驤將軍 7

行參軍 5

振武將軍 4

中兵參軍 3

輔國將軍 3

督護 3

其他

世子 3

伏兵 3

斬首 2

←048 卷四十八 列傳第八

目錄

050 卷五十 列傳第十→

0 卷四十九 列傳^作第九

1 孫處^參 蒯恩^參 劉鍾^參 虞丘進^參

2 孫處^參字季高，會稽永興人也。籍注季高，故字行於世。少任氣。高祖^參東征孫恩，季高義樂隨，高祖^參平定京邑，以為振武將軍^參，封新夷縣^地五等侯。廣固之役，先登有功。

3 盧循之難，於石頭扞柵，戍越城^地、查浦^地，破賊於新亭^地。高祖^參謂季高曰：「此賊行破。應先傾其巢窟，令奔走之日，無所歸投，非卿莫能濟事。」遣季高率眾三千，汎海襲番禺。初，賊不以海道為防，季高至東衝，去城十餘里，城內猶未知。循守戰士猶有數千人，城池甚固。季高先焚舟艦，悉力登岸，會天大霧，四面陵城^地，即日克拔。循父嘏、長史^參孫建之、司馬虞廞夫等，輕舟奔始興。即分遣振武將軍^參沈田子^參等討平始興、南康、臨賀、始安嶺表諸郡。循於左里奔走，而眾力猶盛，自嶺道還襲廣州^地。季高距戰二十餘日，循乃破走，所殺萬餘人，追奔^參至鬱林^地，會病，不得窮討，循遂得走向交州^地。

4

義熙七年^[411]四月，季高卒於晉康，時年五十三。追贈^卅龍驤將軍^卅、南海太守^卅，封侯官縣侯^卅，食邑千戶。九年，高祖^卅念季高之功，乃表曰：「孫季高嶺南之勳，已蒙褒贈。臣更思惟盧循稔惡一紀，據有全域。若令根本未拔，投奔有所，招合餘燼，猶能為虞，縣師遠討，方勤廟算^卅。而季高汎海萬里，投命洪流，波激電邁，指日遄至，遂奄定南海，覆其巢窟，使循進退靡依，輕舟遠迸。曾不旬月，妖凶殲殄。蕩滌之功，實庸為大。往年所贈，猶為未優。愚謂宜更贈一州，即其本號，庶令忠勳不湮，勞臣增厲。」重贈交州刺史^卅，將軍如故。子宗世卒，子欽公嗣。欽公卒，子彥祖嗣。齊受禪，國除。

- 5 蒯恩^卅字道恩，蘭陵^卅承人也。高祖^卅征孫恩，縣差為征民，充乙士^卅，使伐馬芻。恩常負大束，兼倍餘人，每捨芻於地，歎曰：「大丈夫^卅彎弓三石，奈何充馬士^卅！」高祖^卅聞之，即給器仗，恩大喜。自征妖賊，常為先登，多斬首^卅級。既習戰陣，膽力過人，誠心忠謹，未嘗有過失，甚見愛信。於婁縣^卅戰，箭中左目。
- 6 從平京城^卅，進定京邑，以寧遠將軍^卅領幢。隨振武將軍^卅道規^卅西討，虜桓仙客，克偃月壘，遂平江^卅陵。義熙二年^[406]，賊張堅據應城^卅反，恩擊破之，封都鄉侯^卅。從伐廣固，又有戰功。盧循逼京邑，恩戰于查浦^卅，賊退走。與王仲德^卅等迫破循別將^卅范崇民於南陵^卅。循既走還廣州^卅，恩又領千餘人隨劉藩追徐道覆^卅於始興，斬之。遷龍驤將軍^卅、蘭陵太守^卅。
- 7 高祖^卅西征劉毅，恩與王鎮惡^卅輕軍襲江陵^卅，事在鎮惡^卅傳。以本官為太尉^卅長兼行參軍^卅，領眾二千，隨益州刺史^卅朱齡石^卅伐蜀。至彭模，恩所領居前，大戰，自朝至日昃，勇氣益奮，賊破走。進平成都^卅，擢為行參軍^卅，改封北至縣五等男。高祖^卅伐司馬休之^卅及魯宗之^卅，恩與建威將軍^卅徐達之^卅前進。達之^卅敗沒，恩陳于隄下，宗之^卅子軌乘勝擊恩，矢下如雨，呼聲震地，恩整厲將士，置陣堅嚴。軌屢衝之^卅不動，知不可攻，乃退。高祖^卅善其能將軍持重。江陵^卅平定，復追魯軌^卅於石城^卅。軌棄城走，恩追至襄陽^卅，宗之^卅奔羌，恩與諸將追討至魯陽關^卅乃還。
- 8 恩自從征討，每有危急，輒率先諸將，常陷堅破陣，不避艱險。凡百餘戰，身被重創。高祖^卅錄其前後功勞，封新寧縣男^卅，食邑五百戶。高祖^卅世子^卅為征虜將軍^卅，恩以大府^卅佐領^卅中兵參軍^卅，隨府轉中兵參軍^卅。高祖^卅北伐，留恩侍衛^卅世子^卅，命朝士與之交。恩益自謙損，與人語常呼官位，而自稱為鄙人。撫待士卒，甚有紀綱，眾咸親附之。遷諮議參軍^卅，轉輔國將軍^卅、淮陵太守^卅。世子^卅開府，又為從事中郎^卅，轉司馬，將軍、太守^卅如故。
- 9 入關迎桂陽公^卅義真^卅。義真^卅還至青泥，為佛佛虜所迫，恩斷後，力戰連日。義真^卅前軍奔散，恩軍^卅人亦盡，為虜所執，死於虜中。子國才嗣。國才卒，子慧度^卅嗣。慧度^卅卒，無子，國除。
- 10 劉鍾^卅字世之，彭城^卅彭城^卅人也。少孤，依鄉人中山太守^卅劉回共居。幼有志力，常慷慨於貧賤。隆安四年^[400]，高祖^卅伐孫恩，鍾願從餘姚、浹口攻句章、海鹽、婁縣^卅，皆摧堅陷陣，每有戰功。為劉牢之^卅鎮北參軍督護^卅。高祖^卅每有戎事，鍾不辭艱劇，專心盡力，甚見愛信。
- 11 義旗將建，高祖^卅版鍾為郡主簿^卅。明日，從入京城^卅。將向京邑，高祖^卅命曰：「預是彭沛鄉人赴義^卅者，並可依劉主簿^卅。」於是立為義隊，恒在左右，連戰皆捷。明日，桓謙屯于東陵^卅，卞範之^卅屯覆舟山^卅西，高祖^卅疑賊有伏兵^卅，顧視左右，正見鍾，謂之曰：「此山下當有伏兵^卅，卿可率部下稍往撲之。」鍾應聲馳進，果有伏兵^卅數百，一時奔走。桓玄西奔，其夕，高祖^卅止桓謙故營，遣鍾宿據東府^卅，轉鎮軍參軍督護^卅。桓歆寇歷陽^卅，遣鍾助豫州刺史^卅魏詠之^卅討之，歆即奔迸。除南齊國內史^卅，封安丘縣^卅五等侯。自陳情事，改葬父祖及親屬十喪，高祖^卅厚加資給。轉車騎長史^卅，兼行參軍^卅。司馬叔璠與彭城^卅劉謐、劉懷玉^卅等自蕃城攻鄒山，魯郡太守^卅徐邕失守，鍾率軍討平之。

從征廣固。**孟龍符**陷沒，鍾率左右直入，取其尸而反。除**振武將軍**、**中兵參軍**，代**龍符**領廣川太守。盧循逼京邑，徐赤特軍違處分，敗于南岸，鍾率麾下距柵，身被重創，賊不得入。循南走，鍾與**輔國將軍****王仲德**追之。循先留別帥范崇民以精兵高艦據南陵，夾屯兩岸。鍾自行覘賊，天霧，賊鉤得其舸，鍾因率左右攻艦戶，賊遽閉戶距之，鍾乃徐還。與仲德攻崇民，崇民敗走，鍾追討百里，燒其船乘。又隨劉藩追**徐道覆**於始興，斬之。補太尉**行參軍**、**寧朔將軍**、**下邳太守**。代**孟懷玉**領石頭戍事。

- 13 高祖討劉毅，鍾率軍繼**王鎮惡**。江陵平定，仍隨**朱齡石**伐蜀，為**前鋒**，由外水，至于彭模，去成都二百里。偽冠軍征討**督護**譙亢等兩岸連營，層樓重柵，眾號三萬。鍾于時腳疾不能行，**齡石**乃詣鍾謀曰：「今天時盛熱，而賊嚴兵固險，攻之未必可拔，祇增疲困。計其人情恒撓，必不久安，且欲養銳息兵，以伺其隙。隙而乘之，乃可捷事。然決機兩陳，公本有所委，卿意謂何？」鍾曰：「不然。前揚聲言大眾向內水，譙道福不敢舍涪城。今重軍卒至，出其不意，蜀人已破膽矣。賊今阻兵守險，是其懼不敢戰，非能持久堅守也。因其兇懼，盡銳攻之，其勢必克。鼓行而進，成都必不能守矣。今若緩兵相守，彼將知人虛實，涪軍忽并來力距我，人情既安，良將又集，此求戰不獲，軍食無資，當為蜀子虜耳。」**齡石**從之。明日進攻，陷其二城，斬其大將侯輝、譙誅，逕平成都。
- 14 以廣固功，封永新縣男，食邑五百戶。遷給事中、太尉**參軍事**、**龍驤將軍**、**高陽內史**，領石頭戍事。高祖討司馬**休之**，**前軍將軍****道憐**留鎮東府，領屯兵。冶亭群盜數百夜襲鍾壘，距擊破之。時大軍外討，京邑擾懼，鍾以不能鎮遏，降號**建威將軍**。平蜀功，應封四百戶男，以先有封爵，減戶以賜次子敬順高昌縣男，食邑百戶。尋復本號**龍驤將軍**。十二年，高祖北伐，復留鎮居守，增其兵力，又命府置佐史。**荊州刺史****道憐**獻名馬三匹，并精麗乘具，高祖悉以賜鍾三子。十四年，遷**右衛將軍**，**龍驤將軍**如故。元熙元年^[419]卒，時年四十三。
- 15 子敬義嗣。敬義官至馬頭太守，卒。子國重嗣，齊受禪，國除。鍾次子高昌男敬順，卒，子國須嗣。須卒，無子，國除。
- 16 **虞丘進**字豫之，東海郟人也。少時隨謝玄討苻堅，有功，封**關內侯**。隆安中，從高祖征孫恩，戍句章城，被圍數十日，無日不戰，身被數創。至餘姚呵浦，破賊張驃，追至海鹽故治及婁縣。於蒲濤口與孫恩水戰，又被重創。追恩至鬱洲，又至石鹿頭，還海鹽大柱，頻戰有功。元興元年^[402]，又從高祖東征臨海，於石步固與盧循相守二十餘日。二年，又從高祖至東陽，破**徐道覆**。其年，又至臨松穴破賊，追至永嘉千江，又至安固，累戰皆有功。
- 17 三年，從平京城，定京邑，除**燕國內史**。義熙二年^[406]，除**龍驤將軍**，封龍川縣五等侯。從高祖伐廣固，於臨朐破賊。盧循逼京邑，孟昶、**諸葛長民**等建議奉天子過江，進廷議不可，面折昶等，高祖甚嘉之。獻計伐樹，樹柵石頭。除**鄱陽太守**，將軍如故。統馬步十八隊，於東道出鄱陽，至五畝嶠。循遣將英軺為上饒令，千餘人守故城，進攻破之。循又遣童敏之為**鄱陽太守**，據郡，進從餘干步道趣鄱陽，敏之退走，追破之，斬首數百。復隨劉藩至始興，討斬**徐道覆**。
- 18 八年，除寧蠻護軍、尋陽太守，領文武二千從征劉毅。事平，補太尉**行參軍**，尋加**振威將軍**。九年，以前後功封望蔡縣男，食邑五百戶，加**龍驤將軍**。討司馬**休之**，又有戰功。軍還，除**輔國將軍**、**山陽太守**。宋臺令書除**秦郡太守**，督陳留郡事，將軍如故。元熙二年^[420]，宋王令書以為高祖第四子**義康****右將軍**司馬。永初二年^[422]，遷**太子右衛率**。明年，卒官，時年六十。追論討司馬**休之**功，進爵為子，增邑三百戶。
- 19 子耕嗣。耕卒，子襲祖嗣。襲祖卒，世寶嗣。齊受禪，國除。

史臣曰：詩云，「無言不酬，無德不報」。此諸將並起自豎夫，出於卑隸芻牧之下，徒以心一乎主，故能奮其鱗翼。至於推鋒轉戰，百死而不顧一生，蓋由其心一也。遂饗封侯之報，詩人之言信矣。

[←048 卷四十八 列傳第八](#)[目錄](#)[050 卷五十 列傳第十一→](#)

📖 籍海淘浪是什么

「籍海淘浪」是一个将古籍中的专有名词标注出来，使文本更易读，并希望依靠大家的慧眼，将主题鲜明的片段摘录出来，让更多人发现古籍之「有料、有趣、有用」的平台。

一个已标注专词的古籍文本库：籍海淘浪定期发布精校、已标注专词的古籍，并提供划词字典、划词维基等工具。利用专词、词典、维基，读者无需注释、译文，即可比较流畅地阅读，不再有「瞻前顾后」、被干扰阅读的烦恼。

一个面向话题的笔记创作、分享社区：籍海淘浪提供了易用的工具，方便读者创作摘录笔记：拖选文本 + 点击「划线」按钮即可快速收藏文本片段；有所感时，只需拖选相应文本，填写标题、标签、评注，即可发布一篇主题摘录，并可在摘录页面与同好互动讨论。您还可导出自己的收藏和创作，留作方便温习、分享的笔记本。

📖 以下功能仅线上版本可用

- 划词查字典、查维基；
- 点击专词，获取纪年、帝王、政权详情的历史信息面板；
- 全部关键词统计，关键词跳转、导航浏览；
- 片段收藏、做摘录笔记、主题讨论；
- 文档、段落热力标识，源出、衍生、事论等关系的文档网络；
- 个人阅读管家；
- 文本修订工具；
- 标注修订工具，可纠正标注的错、漏，并提交新标注；
- 全文繁简转换；
- 提交文档需求、功能需求、意见建议等；
- 更多待你发掘……

🔍 发现『有趣、有料、有用』的古籍 🔍



文档标注日常修订、更新中，您看到的版本可能已经陈旧，请访问页眉链接查看最新版本，欢迎在线上为更好的标注增砖添瓦！